



20. august 2021

UKA 2021/164

Inatsisartut suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara.

Motorafgiftimut suliassat, allaffissornikkut, akiliisitsisarnermullu akisussaaffik kommunenut tunniunneqarpat sutigut sumiiffinni iluaqutaasinhaanersut pillugu Inatsisartunut apeqquteqaat aallaavigalugu oqallisissiaq.

(Inatsisartuni ilaasortaaq, Aqqalu C. Jerimiassen, Atassut)

Qitiusumut eqiterunnerup annertusiartuinnarnera killilertariaqarparput, nunatsinnilu suliassat siammerterlugin. Kommunenullu suliassat tunniunneqarsinnaasut ilaat tassaavoq motorafgiftimut akiliisitsisarneq.

Eqiterunnermullu akiuniartussamik siunertaqassagaanni pingaaruteqarluinnarpoq isumalimmik suliariinssaa, siammerterinaannarlunilu siammerterisoqannginnissa. Taamaattorlu tulluarsorinarpooq allaffissornikkut suliassat ilaat, soorlu motorafgiftimut akiliisitsiniartarnikkut suliassaq kommunenut akisussaaffimmik tunniussigaanni.

Siammasissumik suliassat agguataarnerannut iluaqutaasinhaavoq, najukkat qanigisaanni suliassat suliarineqartarnissaat. Sulisullu kommunet allaffianeereersut sumiiffinnut qaninnerusumik aamma suliaqartarnerat iluaqutaasinhaasutut taaneqarsinnaavoq.

Qamutit motoorillit akileraarutaat pillugit Inatsisartut inatsisissaat nr. 3, 16. juni 1987-imeersup § 1-ni allaqqavoq taakku akileraarutit nunatta karsianut tuttassasut. Massakkullu taanna akileraartarnermut aqutsisoqarfip suliarisarpa.

Kommunit akiliisitsisarneq isumagilerpassuk, kommunenut isertitassat aamma annertunerulissapput. Sumiiffinnimi tamani motorafgiftinik akiliisoqartarpoq, akiliutigineqartartulli sumiiffinnut ataasiakkaanut iluaqutaaneq ajorlutik.

Kommunit Namminersorlutik Oqartussaniit bloktiskuditit ilaatigut sanaartugassanut atugassiaagaluartut, kommunit namminneerlutik tulleriaarinerminni aalajangertarpaat sumut atorneqassanersut.

Assersuutigalugu Nanortalimmi biileqartut ukiumut marloriarlutik motorafgiftimik akiliuaraluarlutik aqqusernit ukiorparujussuit suliarineqarnikuunngillat, itersarsuarnillu ulikkaarmat aqqulluttupilussuulluni. Taamatorpiaq aamma Upernavimmi, sumiiffippassuarnilu allani.

Aningaasat kommuneni kaaviiartinneqartut amerlanerulertariaqartut, sumiiffimmintni suliassat annertunerusut isumagilersinnaaniassagamikkit akissaqartinnerullugillu.



Siammasinnerusumik sumiiffinnilu atuisunut akiliisartunullu iluaqtissamik aaqqiinissaq maanna
Inatsisartunut oqallisssatut siunnersuutigaarput. Oqallilluarnissassinnik kissaappassi.